

ML


336

L44


1726

v.4





Digitized by the Internet Archive
in 2021 with funding from
University of Toronto



聲三子聲無射應鐘之調一正聲四子聲

西山蔡氏曰案此說黃鐘九寸生十一律有十二子聲所謂正律正半律也又自仲呂上生黃鐘得黃鐘八寸五萬九千〇〇四十九分寸之五萬一千八百九十六又生十一律亦有十二子聲所謂變律變半律也正變及半凡四十八聲上下相生最得漢志黃鐘不爲他律役之意與律書五聲大小次第之法但變律止於應鐘其餘雖設而無所用則其實三十六聲而已其閒陽律不用變聲而

黃鐘又不用正半聲。陰呂不用正半聲。而應鐘又不用變半聲。其實又二十八聲而已。愚謂黃鐘大呂太簇之調皆用正律者。直以五聲言耳。若兼二變則大呂太簇卽有子聲矣。故漢志獨指黃鐘一律和應皆正聲也。○蔡氏又曰十二律各自爲宮以生五聲。二變其黃鐘林鐘太簇南呂姑洗應鐘則能具足。至蕤賓大呂夷則夾鐘無射仲呂則取黃鐘林鐘太簇南呂姑洗應鐘之聲。少下不和。故有變律變律者其聲近正而少高於正律也。然仲

呂之實一十三萬一千〇〇七十二算既不行當
有以通之律當變者有六故置一而六三之得七
百二十九以七百二十九因仲呂之實爲九千五
百五十五萬一千四百八十八再生六律而算又
不行矣此變律之所以止於六也

文獻通考 宋太祖皇帝以雅樂詔有司重加考正時
判太常寺和峴上言古聖設法先立尺寸作爲律呂
三分損益上下相生取合其音謂之形器但以尺寸
長短非書可傳故累秬黍求爲準則後代試之或不

符會西京銅望臬可較古法卽今司天臺影表銅臬
下石尺是也及以王朴所定尺比校短於石尺四分
樂聲之高蓋由於此況影表測於天地則管律可以
準繩上乃令依古法以造新尺黃鐘九寸之管命工
人校其聲果下於朴管一律又內出上黨羊頭山柶
黍累尺校律亦相符合由是重作十二律管雅樂和
暢

案此知樂聲嫌於太高也萬寶常譏鄭譯爲亡國
之音及造樂器其聲率下於譯調二律緩急高下

之閒之始也。

胡安定律呂議曰按歷代律呂之制黃鐘之管長九
十黍之廣積九寸度之所由起也容千二百黍積八
百一十分量之所由起也重十有二銖權衡之所由
起也既度量權衡皆生於黃鐘之龠則黃鐘之龠圍
徑容受可取四者之法交相酬驗使不失其實也今
驗黃鐘律管每長一分內實十三黍又三分黍之一
圍中容九分也後世儒者執守孤法多不能貫知
權量之法也制尺求律便爲堅證因謂圍九分者取

古樂雜傳卷之四
三圖圓長九分耳。以是圖九分之誤。遂有徑三分之說。若從徑三圖九之法。則黃鐘之管止容九百黍。積止六百七分半。如此則黃鐘之聲無從而正。權量之法無從而生。周之嘉量。漢之銅斛。皆不合其數矣。

西山蔡氏曰。自孟康以律之長十之一爲圓之謬。其後韋昭之徒。遂皆有徑三分之說。而隋志始著以爲定論。然累九十黍。徑三黍。止容黍八百有奇。終與千二百黍之法。兩不相通。而律竟不成。唐因聲制。近於古。而律亦非。是本朝承隋。不能

之法。然不知變律之法。但見仲呂反生不及黃鐘之數。乃遷就林鐘以下諸律圍徑。以就黃鐘清聲。夫律以空圍之同。故其長短之異。可以定聲之高下。今其空圍不同如此。則亦不成律矣。遂使十二律之聲皆不當位。反不如和峴舊樂之爲條理。亦可惜也。○魯齋彭氏曰。黃鐘律管有周有徑有面。冪有空圍內積。有從長如史記論從長。漢書律歷志論從長。及積東漢鄭氏注月令論冪。蔡氏月令

章句論從長皆不易之論獨圍徑之說漢前俱無明文東漢蔡氏始創爲徑三分之說晉孟氏以後諸儒續爲徑三分圍九分之說宋胡氏蔡氏又爲徑三分四釐六毫圍十分三釐八毫之說然考之古方圍周徑冪積率皆未合如依徑三分之法以九章少廣內祖氏密率乘除止得面冪七分七釐奇積實六百三十六分奇如此則黃鐘之管無乃太狹其言徑三分圍九分者又用徑一圍三之法雖是古率然古人大約以此圓田若以密率推之

假如徑七則圍當二十有二若徑三分則圍長當九分四釐二毫一秒強不但止於九分也宋胡氏不主徑三圍九之說然所言徑三分四釐六毫圍十分三釐八毫亦用徑一圍三之率若依所言三分四釐六毫徑當得圍長十分八釐七毫六秒二忽強不止於十分三釐八毫也蔡氏說徑圍分數與胡氏同至於算法用圓田術三分益一得十有二開方除之求徑又以徑相乘以管長乘之用三分益一四分退一之法求冪積但依此徑以密率

求則空圍中面幕不止得九方分乃得九方分
零四十釐六十毫五十七秒十四忽奇積實乃得
八百四十六分五百四十五釐一百四十二秒六
百忽奇如此則黃鐘之管無乃太大細攷之方內
之圓所占者不止四分三圓外之方所當退者又
不及四分之一以此知三分益一四分退一乃算家
大約之法此蔡氏之說所以又不能盡合也今欲
求黃鐘的實定數者須依蔡氏多截竹之法又以
祖沖之密率乘除方可蓋以此管面空圍所容九

分以平方冪法推之。知一分有百釐。釐有百毫。毫有百秒。秒有百忽。積而計之。九平方分。通有面冪九萬萬忽。乃以此九萬萬忽依密率乘除得圓周長十分六釐三毫六秒八忽奇。又以圓周求徑。計三分三釐八毫四秒四忽奇。又以半徑半周相乘。仍得九萬萬忽內一忽弱。通得面冪九平方分也。面冪計九方分。則積實當有八百一十分矣。算法既成。各依其長作九十分。乃取九十分之分。計三分三釐八毫四秒四忽奇。以合孔徑。如此則圓長

面與夫空圍內積自然諧會特數自入毫以下

非可細分而算法積至秒忽不容不然爾

彭氏之算庶幾

密矣秒忽之下有不盡之分則亦無形之可紀也蓋方體之積十四則內容之圓其積十一故知益一退一之法爲古人疎率以積求周者置積爲實以八十八乘之以七除之平方開之以周求徑者置周爲實以徑法七因之以周法二十二除之以周徑求積者置周折半爲實以徑折半爲法乘之此彭氏之說也若以積求徑則置積爲實以十四乘之以十一除之平方開之以徑求周則置徑爲實以周法二十二乘之以徑法七除之其所得之數亦皆符會

司馬溫公與范景仁論鐘律書云蒙示房生尺法云

生嘗得古本漢書云度起於黃鐘之長以子穀秬

中者一黍之起積一千二百黍之廣度之九十分黃鐘之長一爲一分今文誤脫之起積一千二百黍八字故自前世以來累黍爲尺縱置之則太長橫置之則太短今新尺橫置之不能容一千二百黍則大其空徑四釐六毫是以樂聲太高又嘗得開元中笛及方響校太常樂下五律教坊樂下三律皆由儒者誤以一黍爲一分其法非是不若以一千二百黍實管中隨其短長斷之以爲黃鐘九寸之管九十分其長一爲一分取三分以度空徑數合則律正矣

以上皆房庶說

景仁比來盛稱此論。以爲先儒用意皆不能到。光竊
思之。有所未喻者。旣云積一千二百黍之廣。何必更
云一黍之起。此四字者。將安施設。景仁曰。度量權衡
皆生於律者也。今先累黍爲尺。而後制律。反生於度。
與黍無乃非古人之意乎。光謂不然。向使古之律存。
則吹其聲而知聲。度其長而知度。審其容而知量。校
其輕重而知權衡。今古律已亡矣。非黍無以見度。非
度無以見律。律不生於度。與黍將何從生耶。夫度量
衡所以佐律而存法也。古人所爲制四器者。以相參

校以爲二者雖亡苟有一存則三者從可推也又謂
後世器或壞亡故載之於書形之於物夫黍者自然
之物有常不變者也故於此寓法焉今四器皆亡不
取於黍將安取之凡物之度其長短則謂之度量其
多寡則謂之量稱其輕重則謂之權衡故量有虛實
衡有低昂皆易差而難精等之不若因度求律之爲
審也房生今欲先取容一龠者爲黃鐘之律是則律
生於量也量與度皆非律也捨彼用此將何擇焉景
仁曰量權衡皆以千二百黍爲法何得度法獨用一

李光按黃鐘所生凡有五法。一曰備數。二曰和聲。三曰審度。四曰嘉量。五曰權衡。量與衡据其容與其重。非千二百不可至於度法止於一黍爲分。無用其餘。若數與聲則無所事黍矣。安在其必以一千二百爲之定率也。景仁曰。生云。今樂太高。太常黃鐘適當古之仲呂。不知生所謂仲呂者。果后夔之仲呂耶。開元之仲呂耶。安知今之高非古之下。耶。笛與方響里巷之樂。庸工所爲。豈能盡得律呂之正。乃欲取以爲法。考定雅樂。不亦難乎。

參伍存法不得離黍尺以求律又不應捨度而求
之量者尤見公之不苟師心而重變古也○又案
李照用縱黍生尺胡安定用橫用縱則尺長故雖
徑三分而分大其容黍必多用橫則尺短故雖徑
三分四釐奇而分小其容黍必少愚謂古稱秬黍
中者中非獨不大不小之謂乃不長不短之謂蓋
圓而無縱橫者也今欲以黍參定律者須擇圓者
爲是

宋國朝會要曰古者黃鐘爲萬事根本故尺量權衡皆起於黃鐘至晉隋閒累黍爲尺而以制律容受率不能合及平陳得古樂遂用之唐興因聲以制樂其器雖無法而其聲猶不失於古五代之亂大樂淪散王朴始用尺定律而聲與器皆失之故太祖患其聲高特減一律至是又減半律然太常樂比唐之聲猶高五律比今燕樂高三律帝雖勤勞於制作而未得其當者有司失之於以尺而生律也

案此卽范蜀公之說然謂不當以尺生律故右聲

左尺者是已及信房庶之言則欲以積黍定法
孟公以爲均非律也聲重奚擇焉此范馬之論
當時所以卒於不合也

子曰黃鐘之聲亦不難定世有知音者將上下
聲攷之既得正然後以黍實管視其實幾何然後推
而定法可也夫以律管定尺者乃是以天地之氣爲
準非秬黍之也秬黍積數在先王時惟此適與度
量合故可用今時則不同

西山蔡氏曰太史公班固劉昭之書皆以聲之清

濁氣之元後求黃鐘者也夫律長則聲濁而氣先
至極濁則不成聲而氣不應律短則聲清而氣後
至極短則不成聲而氣不應此其大凡也今欲求
聲氣之中而莫適爲準則莫若且多截竹以擬黃
鐘之管或極其短或極其長長短之內每差一分
以爲一管皆卽以其長權爲九寸而度其圍徑如
黃鐘之法焉如是而更迭以吹則中聲可得淺深
以列則中氣可驗苟聲和氣應則黃鐘之爲黃鐘
者信矣黃鐘者信則十一律皆量權衡者得矣

愚

此論蓋其一書之旨要朱子謂之卓然

者是也然其說一本於程子之意而程子所謂氣者乃指聲中之氣非求之塗屋布縵之間觀所云以上下聲攻之者其言約而盡矣夫數寸之長短不足以定地之淺深其理難信說具漢書候氣條下今用蔡氏之法而惟取其迭吹以求中聲者庶幾得之又必如程說博求世之知音者使之與學士相參質然後有以窮理義之精而究證驗之實也

朱子律辨曰五聲之序宮最大而沈濁羽最細而輕清商之次宮徵之細次羽而角居四者之中焉然世之論中聲者不以角而以宮何也曰凡聲陽也自下而上未及其半則屬於陰而未暢故不可用上而及半然後屬於陽而始和故即其始而用之以爲宮因其每變而益上則爲商爲角爲變徵爲徵爲羽爲變宮而皆以爲宮之用焉是以宮之一聲在五行爲土在五常爲信在五事爲思蓋以其正當衆聲和與未和用與未用陰陽際會之中所以爲盛若角則

雖當五聲之中而非衆聲之會且以七均論之又有
變徵以居焉亦非五聲之所取正也然自其聲之始
和者推而上之亦至於變宮而止耳自是以上則又
過乎輕清而不可以爲宮於是就其兩閒而細分之
則其別又十有二以其最大而沈濁者爲黃鐘以其
極曲而輕清者爲應鐘及其旋相爲宮而上下相生
以盡五聲二變之用則宮聲常不越乎十二之中而
四聲者或時出於其外以取諸律半聲之管然後七
均備而一調成也黃鐘之與餘律其所以爲貴賤者

然若諸半聲以上則又過乎輕清之甚而不可以
爲樂矣蓋黃鐘之宮始之始中之中也十律之宮始
之次而中少過也應鐘之宮始之終而中已盡也諸
律半聲過乎輕清始之外而中之上也半聲之外過
乎輕清之甚則又外之外上之上而不可以爲樂者
也由是論之則審音之難不在於聲而在於律不在
於宮而在於黃鐘蓋不以十二律節之則無以著夫
五音之實不得黃鐘之正則十一律者又無所受以
爲本律之宮也今有極論宮聲之妙而無曰黃鐘云

者則恐其於聲音法制之閒猶有所未盡也。夫以聲音法制之粗而猶有所未盡則雖有黃帝大舜之君伶倫后夔之佐亦如之何徒手而可以議大樂之和哉。

按十二律爲定名宮商角徵羽爲虛位故朱子謂審音之難不在於聲而在於律也。然此且以聲之清濁高下論之。爾若論五聲之調則有喜樂哀怒之變根於性情而動乎天地之氣其比審音於律呂者更切尤不可以不知。

餘論

天地之間理也氣也聲也形也數也顯微無閒者也蓋氣者理之用形聲者氣之化而數者形聲之紀也樂律之道其數相生故其氣相生其氣相生故其聲亦相生而無不應也其必紀以九者何數之所以衍而不窮氣之所以運而不息也其必成以六者何數之衍所以節而氣之運所以裁也易卦尊陽而用九樂律亦尊陽而用九故窮則變變則通者用九之妙也易卦居陰而用六樂律亦居

陰而用六故先後有序剛柔有偶者用六之功也
黃鐘之律長九寸累九分積其長八十一分積其
累八百一十分莫非九九之用故其道循環而與
元氣終始成於六律究於十二管衍於六十調行
於三百六十聲莫非六六之用故其道有常而與
天地相似然則數有阻格則於氣有滯凝數有差
繆則於氣有乖逆者亦自然之理矣

律之以氣相生何也曰凡象數皆起於陰陽象
者方圓相變者也數者奇耦相生者也故方之內

必得外圓之半。

皆以積實言。

其外圓必得內圓之倍。

圓之內方亦必得外方之半。其外方亦必得內方之倍。律之上生爲下生之倍。下生爲上生之半。其理一也。蓋方圓函蓋奇耦乘負陰陽變化天地生之道也。苟其象之所生同數之所起同。則上下無不應也。外內無不合也。倍半無不和也。故司馬遷律書謂之同類。今西人算學謂之比例。孔子曰：同聲相應，同氣相求。此之謂也。夫金石之鏗，匏與

絲絃之繁細，物性迥然殊矣。而各以其性爲聲律。

則無不相應者豈非同類比例之說乎其相生必
以隔八何也曰比位者陰陽相合之情也隔七者
陰陽相對之義也隔八者陰避陽位偏正之分尊
卑之等也夫然後理順情和而相應矣

律有變律聲有變聲何也曰變猶閏也十二月有
十二閏日故十二律有十二變律也五歲有二閏
月故五聲有二變聲也聲陽也主氣律陰也主月
律備而聲餘如月備而氣餘聲備而律餘如氣備
而月餘也五歲之中有再閏則時定而歲成矣五

聲之中有二變則聲和而氣應矣蓋次三次五之
歲則節氣之相距必隔越一月而病於不相及次
三次五之聲則律管之相遠亦必隔越一月而病
於不相及也故有閏月則氣朔均齊有變聲則音
律停調宋房庶所謂閏宮閏羽亦此意也變律者
設以待用而已如閏月之積以待用也

一 度量權衡皆起於律何也曰先王制度皆以天地
之氣爲準律者寫天地之氣者也一氣流行而象
數生焉其長短紀於日故律之外分以起度者陽

也其盈虛紀於月。故律之內積以起量者。陰也。其
低昂上下紀於斗柄。故律因度量以起權衡者。陰
陽之合也。記曰。大人作法。必以天地爲本。以日星
爲紀。月以爲量。四時以爲柄。此之謂也。

五音有聲。有調。所謂調者。但以其一聲爲主。用以
起調。畢曲而命之乎。抑別有以命之乎。曰。如但以
其一聲爲主。用以起調。畢曲而命之也。則以哀管
奏樂音。以急節歌慢調。俱無不可矣。然則調何始
也。始於人心者也。宮調深厚於人。爲信之德。而其

發則和也。角調明暢於人爲仁之德。而其發則喜也。商調清厲於人爲義之德。而其發則威也。徵調繁喧於人爲禮之德。而其發則樂也。羽調叢聚於人爲智之德。而其發則思也。是數者生於心。故形於言言之有發。斂輕重長短疾徐。故又寓於歌書。曰詩言志。歌詠言者。此也。聖人因是制爲五者之調。以倣之。是故聞宮音。使人和厚而忠誠。聞角音。使人歡喜而慈愛。聞商音。使人奮發而好義。聞徵音。使人樂業而興功。聞羽音。使人節約而慮遠。五

者之調成矣。又制六律以爲其發斂輕重長短疾徐之節。則調中之五音具焉。書曰。聲依詠。律和聲者此也。然則仁義禮智信者。五音之本也。喜怒哀樂者。五音之動也。調者。五音之體製。而聲者。五音之句字也。古者先定體製。而以句字從之。後世先設句字。而以體製從之。先設句字。而以體製從之者。性情之失也。是故調之變。至於六十者。調隨聲而變也。聲之變。至於八十有四者。聲隨調而變也。調隨聲而變者。音響高下之閒。聲隨調而變。則全

體之節族異矣。然則不知調者不可與言聲。不知詩者不可與言調。不知性情之德者不可與言詩。可與言詩而樂思過半矣。議音律而不先於此者末也。

五聲定於句字。則今之韻部亦有足取者。與曰奚爲其無取。凡人聲之發於喉者宮也。其入於鼻者商也。其轉於舌者角也。其抵於齒者徵也。其收於脣者羽也。喉之聲深以厚。鼻之聲鏗以轟。舌之聲流以暢。齒之聲細以詳。脣之聲閉以藏。人之聲必

自喉始交於舌齒之間上於鼻而下於脣至脣之
閉則又息於喉而復生矣是故古之知音者必辨
韻部未有韻部之不審句字之不清而可以言歌
者也然直以脣齒舌喉之聲定爲宮商角徵羽則
又不可必也因其調之抑揚高下而叶之因其言
之緩急輕重而命之因其情之剛柔吐茹而形之
夫然後口與心相應而響與籟相追故韻部者音
樂之助而猶非音樂之本也

今之俗樂亦有合於音律者與曰吾未之學也然

考之傳曰。大不踰宮。細不過羽。今俗樂之歌曲。皆踰宮而過羽者也。是故矜張而怪怒。淫昵而哀思。古人所爲以中聲節之者。蓋坊此也。惟朝廟所謂雅樂者。庶免此矣。然其聲有高下而無疾徐。縱其應律。亦所謂知聲而不知調者也。知調而不知詩者也。夫不知詩。不知調。雖其得律。固已末矣。而況其未也。是故古之太師。必先教詩。教詩者。必先以六德爲之本。使其性情之發。無有不得其平。而不由其誠者。則二者之患亡矣。然後以六律爲之音。

蓋亦簡易而不難也。

六律爲聲音之準。黃鐘又爲六律之本。此歷代議制作者。所以紛紛於黍尺之多寡。短長律管之徑圍。累積千年。而未有定論也。然以虞書攷之。則八聲者。尤音樂所自出。而律呂所取裁也。故國語言古之神瞽。考中聲而量之。以制。孟子又言。不以六律不能正五音。此則心法相須。不可偏廢。聖人所以用和曰不之。又托器以傳之。蓋以此也。今欲持聰明不逮之資。而自師其心。滅裂古法。固爲不可。

然當數千有餘年制度殘闕器數淪亡之日而規
規於比校分判以求必與古合是猶尋周公之阡
陌以制產蓐帝舜之繪畫以作衣也何可得哉宋
程張朱蔡諸儒反之德性而欲以上下聲攷之者
乃爲至論然蔡氏謂多截竹以求聲之和者則旣
盡之矣又曰列以候氣而必其應此則蔽於沿襲
之說也元人作曆必曰得明理之儒專門之裔精
算之士愚謂不獨曆爾律呂亦然蓋儒者明其理
必通於聲氣之元樂工專其藝必審於聲音之節

算士密其術必極於制度之精三者備矣然後參
論古法而取決於心勿復偏據單詞而滯泥於迹
樂席幾其有成乎抑聞之後世治者不井田亦足
以養然必倣其意而行之則溝洫塗遂之遺不可
不講也不鄉舉里選亦足以教然必倣其意而行
之則庠序學校之典不可不稽也不必后襲周公
然後可以制作然必倣其意而行之則衣冠俎豆
之文律呂絃管之制不可不改也近代之言樂者
至多各以其意爲說而絕無所依據又豈非所謂

持不逮之資滅裂古法者歟殊不若漢唐宋之規
矧於此矧分寸者猶今後之人尋墜緒而有所指
衷也故此編自朱蔡以後無述焉蓋重春秋變古
之戒遵夫子愛羊之義也

附錄記

安溪李光地註

樂教篇

孟子今之樂由古之樂

子夏對魏文侯分別古樂今樂而孟子謂今之樂由古之樂何哉愚謂必有孟子之意以爲樂之本然後子夏之說可得而申也三代以下禮樂不興其閒在上之人頗有留意於斯者又爲儒者迂大繁難其說以重困之故禮則必其周公之制樂則必其伶倫之律微論其說無一是之歸縱使得之

亦止於郊廟朝廷之書而所謂移風易俗無有議
及之者又豈聖人禮記之意哉劉向嘗慨今
之刑非臯陶之刑器非金之書筆則筆削則削至
禮樂則曰不政是因小不備而就大不備也班固
亦謂叔孫通之書藏於鴻宮雅樂不行而民間鄭
衛自若向與固豈不知魏文之所習上林之所肄
未得其雅正哉殆以爲且當達之天下與學士大
夫衆庶共之然後雅正淫慝可得而論也嗚呼此
孟子與民同樂之論所以爲得其本也後世禮壞

已極樂崩尤甚雖使有伶州鳩師曠其人能辨音
節於微茫者無益也何則不達於天下焉耳況其
風俗遷流習尚日非使五帝三王而在今日亦不
能沿樂襲禮矣何則強其所不樂舉其所不行則
莫之從而不能久非所謂通其變使民不倦者也
然則今日之樂就而修之其亦可以行於民間乎
曰何爲其不可夫能使鬼神降格者郊廟之樂具
是矣能使上下懽欣者朝廷之樂具是矣能使黎
庶感動而興起者鄉黨閭巷之樂具是矣今日之

樂苟去其淫辭新聲及其節目之荒誕無實者而一均之和音被以雅曲實之以忠孝廉貞節義之事亦庶幾乎可以語可以道古者未必非風俗之一助也然今之俗樂甚冗長而繁衍雖以忠孝廉貞節義爲之根而其荒誕無實自若也愚考古之歌者舞者蓋非一人歌則瞽矇之屬在堂上者也舞則國子之屬在堂下者也舞以動其容雖貌肖而口不言也歌以詠其事雖贊歎之而亦非其自言也聽其歌觀其容而其人可知此所以爲雅樂

也今能復是則至善矣如猶未也則必當日之有
是言事者使舞者象之其鋪揚贊頌播之音律者
則使歌者宣之舞動歌應亦庶幾乎一唱三歎之
義又其次也更須簡其節目如元人詞曲皆止四
段猶彷彿乎古者歌笙閒合之遺意此復古之漸
也

禮記樂正崇四術立四教順先王詩書禮樂以造士
春秋教以禮樂冬夏教以詩書

王制

詩書禮樂卽四術四教也術以其道言之故曰崇

教以其具言之故曰立春秋寒燠之中宜於歌舞
冬夏寒暑之極可以吟誦而已。

仲春之月上丁命樂正習舞釋菜天子乃帥三公九
卿諸侯大夫親往視之仲丁又命樂正入學習舞季
春之月擇吉日大合樂天子乃帥三公九卿諸侯大
夫親往視之仲夏之月命樂師修鞀鞀鼓均琴瑟管
簫執干戚戈羽調竽笙箎簧飭鐘磬祝歌季秋之月
上丁命樂正入學習吹季冬之月命樂師大合吹而

罷月令

此與周官春舍菜合舞秋頒學合聲王制春秋教以禮樂大指皆同仲夏修飭樂器者以將盛樂雩祀故謹備之嚴陵方氏曰鞀鞀鼓與鐘磬祝敔其聲質而一故修飭之而已琴瑟管簫竽笙箛篥其聲文而雜則必均調之焉干戚戈羽以無聲執持之待用可也

凡數世子及數士必時春夏數干戈秋冬數羽籥皆於東序小樂正數干大胥贊之籥師數戈籥師丞贊之胥鼓南

注云士謂司徒所升於學者四時各有所宜學于
戈萬舞象武也用動作之時學之羽籥籥舞象文
也用安靜之時學之愚按春合舞秋合聲則文武
之舞春皆教之矣然羽籥者有聲之舞也故又於
秋冬習之周官樂師教國子六舞既有羽舞矣而
籥師又教舞羽吹籥則知羽籥之教又在六舞之
外也春夏只言于戈省文耳小樂正卽樂師也樂
師教六舞大胥以六樂之會正舞位周人貴于故
言于以統之籥師之職乃教舞羽吹籥上文亦以

干戈羽籥兼稱此言戈恐羽字之誤也胥鼓南者舞必有鼓以爲之節舞干羽之時胥則鼓於南焉謂鼓於堂下南方舊說南夷之樂恐非是

春誦夏弦大師詔之瞽宗秋學禮執禮者詔之冬讀書典書者詔之禮在瞽宗書在上庠

愚按注云誦謂歌樂也弦謂以絲播詩此正王制所謂春秋教以禮樂冬夏教以詩書者也注又曰周立三代之學學書於有虞氏之學典謨之教所興也學舞於夏后氏之學文武中也學禮樂於殷

之學功成治定與已同也。

凡祭與養老乞言合語之禮皆小樂正詔之於東序
大樂正敷舞于成語說命乞言皆大樂正授數大司
成論說在東序凡侍坐於大司成者遠近閒三席可
以問終則負牆列事未盡不問。

注云養老乞言養老人之賢者因從乞善言可行
者也合語謂鄉射鄉飲酒大射燕射之屬鄉射記
曰古者於旅也語小樂正教以三者之威儀大樂
正教以三者之義也語說合語之說也數篇數也。

論說課其義之淺深才能優劣大司成司徒之屬
師氏也閒猶容也容三席則得指畫相分別席之
制廣三尺三寸三分則是所謂函丈也愚謂鄭氏
所謂三者祭也養老也合語也舞干戚卽所以用
於祭大司成知爲師氏者以下有父師司成之文
凡三王教世子必以禮樂樂所以修內也禮所以修
外也禮樂交錯於中發形於外是故其成也懌恭敬
而溫文語曰樂正司業父師司成一有元良萬國以
貞世子之謂也

以上文王世子

懌悅懌也懌而恭敬溫文卽虞書直溫寬栗無虐
無傲之效也業樂版也成樂一終也司業司成皆
以樂名官後世忘其義也久矣

十有三年學樂誦詩舞勺成童舞象學射御二十而
冠始學禮可以衣裘帛舞大夏

內則

張子曰古者教童子先以舞者欲柔其體也心下
則氣和氣和則體柔

樂用篇

孟子

召大師曰爲我作君臣相說之樂蓋徵招角招

是也

徵招角招者。蓋其調是徵角。而其聲容則倣招樂爲之。如周禮圖。正方正宗廟之樂。有宮角徵羽四調。而用雲門咸池之舞。與九德之歌。九韶之舞。亦此類也。知景公諸侯不可直用韶樂。必是倣其聲容而爲之。則知周禮歌舞亦是倣古樂聲容而爲之。不是直用其樂。所以此段前有作樂之文。後有所作詩詞可見也。宮商角徵羽有聲有調。聲則一曲之中無不備。調則隨取其一以命之。不必五者

皆具故周禮只四樂而景公所作惟徵角二者而已。

傳也

三年耕必有一年之食九年耕必有三年之食

以三十年之通雖有凶旱水溢民無菜色然後天子

食日舉以樂

王制

殺牲盛饌曰舉日舉以樂言每日舉而以樂侑食也。

仲夏之月大雩帝用盛樂季秋上丁命樂正入學習

吹是月也大饗帝

月令

季秋大饗帝。恐卽所謂季秋祀帝於明堂。配之以
考者也。仲夏大雩。注亦言雩五精之帝。配以先帝。
凡學春官釋奠於其先師。秋冬亦如之。凡始立學者
必釋奠於先聖先師。及行事必以幣。凡釋奠者必有
合也。有國故則否。凡大合樂必遂養老。適東序。釋奠
於先老。遂設三老五更羣老之席位焉。適饌省醴。養
老之珍具。遂發咏焉。退修之以孝養也。反登歌清廟。
旣歌而語以成之也。言父子君臣長幼之道合德音
之致禮之大者也。下管象舞大武。大合衆以事。達有

神與有德也有司告以樂闕王乃命公侯伯子男及
羣吏曰反養老幼於東序終之以仁也

文王世子

春秋釋奠於先師者歲之常禮也始立學而釋奠
則其禮尤重故行事必用幣有合謂合樂也始立
學及春秋常奠皆合樂也國故如災異札瘥之類
是也周禮春入學舍菜合舞秋頒學合聲蓋於是
時天子則視學焉而以其明日養老適東序以下
則養老之文也先老者先代之老也更或以爲叟
字之誤注曰以鄉飲酒禮言之三老如賓五更如

介羣老如衆賓其說近是適饌謂適饌所也省視
酒醴及養老之珍具遂歌以迎賓而退修之所以
致其孝養也退修之者卽修其酒醴珍具酌饋之
節在其中矣反謂獻老禮畢反而就席也語談說
也歌備而談說所以成其意下文言父子君臣長
幼之道合德音之致卽謂談說樂義也大合衆者
合國子而舞也樂以通神明象功德故言達有神
興有德也公侯伯子男者畿內五等之爵羣吏鄉
遂之官也使之各歸養老皆如此禮仁之大者也

饗禘有樂而食嘗無樂。陰陽之義也。凡飲養陽氣也。凡食養陰氣也。故春禘而秋嘗。春饗孤子。秋食耆老。其義一也。而食嘗無樂。

疏云依禮三代無春禘之文。周則春曰祠。王制夏殷之禮云春曰禴。今云春曰禘。故知禘當爲禴。熊氏云此夏殷禮。秋嘗無樂。若周則四時祭皆有樂。故祭統云內祭則大嘗禘。升歌清廟。下管象。是秋嘗有樂也。案王制夏后氏養老以饗。禮則夏家養老用春時有樂。無秋食之禮。殷人養老以食。禮用

秋時不作樂無春饗之禮周人修而兼用之則周人養老春夏用饗禮秋冬用食禮四時皆用樂故文王世子云凡大合樂必遂養老注云春合舞秋合聲下云養老之禮遂發咏焉登歌清廟是秋時養老亦用樂也皇氏曰春是生養之時故饗孤子取長養之義秋是成熟之時故食耆老取老成之義

賓入大門而奏肆夏示易以敬也卒爵而樂闋孔子屢歎之奠酬而工升歌發德也歌者在上匏竹在下

貴人聲也。

疏云此論朝聘之賓設燕饗之禮奏樂之節燕則大門是寢門也饗則大門是廟門也案燕禮記賓及庭奏肆夏此入大門卽奏肆夏者熊氏云燕禮燕已之臣子此謂朝聘之賓故入卽奏肆夏也示易以敬者示主人和易嚴敬於賓也卒爵而樂闕者賓至庭樂作及至主人獻爵賓受爵啐酒拜告旨而樂止賓飲訖酢主人主人受酢畢主人獻公而作樂公飲卒爵而樂止此卒爵兼賓及主君也

依大射禮主人受酢不作樂若其饗時主君親獻賓賓親酢主君賓主俱作樂也屢歎之者歎美此禮善其和易恭敬之義也奠酬而工升歌者據大射禮獻卿之後大夫媵觶於公所謂酬也公奠置此酬而未舉於時工升歌也或當饗時主君親酬賓賓初奠酬薦束於時卽工升歌大射與饗禮異也發德也者歌詠其詩發明賓主之德

殷人尚聲臭味未成滌蕩其聲樂三闋然後出迎牲聲音之號所以詔告於天地之間也以上郊特牲

按那之詩曰奏鼓簡簡衍我烈祖而後曰湯孫奏
假綏我思成則是未祭而先樂以降神蓋商道也
父有服宮中子不與於樂母有服聲聞焉不舉樂妻
有服不舉樂於其側大功將至辟琴瑟小功至不絕
樂

雜記

注云宮中子與父同宮者也禮由命士以上父子
異宮不與於樂謂出行見之不得觀也至來也愚
按此皆輕服耳若重服則父母妻之服已亦服焉
自當不與於樂而不舉樂也大功小功亦謂大功

小功有服者於其將至而辟琴瑟所以助哀小功則否

樂以迎來哀以送往故禘有樂而嘗無樂

祭義

疏云春夏陽來似神之來故春夏之祭有樂秋冬陰象神之去故秋冬之祭無樂然周禮四時之祭皆有樂殷則烝嘗之祭亦有樂故那詩云庸鼓有斃萬舞有奕下云顧予烝嘗則殷秋冬之祭亦有樂也

昔者周公旦有勲勞於天下周公既沒成王康王追

念周公之所以勲勞者而欲尊魯故賜之以重祭外
祭則郊社是也內祭則大嘗禘是也夫大嘗禘升歌
清廟下而管象朱干玉戚以舞大武八佾以舞大夏
此天子之樂也康周公故以賜魯也子孫纂之至于
今不廢祭義

注云清廟頌文王之詩也管象吹管而舞武象之
樂也愚按管象者吹管而叶象詩非舞也如升歌
鹿鳴下管新宮之類是也注以有成童舞象之文
故謂象爲舞然此之象蓋以詩言未及舞也象童

時所舞大武成人所舞也象舞所執不知朱子
戚與否注連言之亦非

兩君相見揖讓而入門入門而縣興揖讓而升堂升
堂而樂闋下管象武夏籥序與陳其薦俎序其禮樂
備其百官行中規還中矩和鸞中二齊客出以雍徹
以振羽入門而金作示情也升歌清廟示德也下而
管象示事也

仲尼燕居

注云謂饗諸侯來朝者也縣興金作也下謂堂下
象武武舞也夏籥文舞也六更也愚按春秋傳云

文王大明繇兩君相之樂也此云升歌清廟其
文不符故疏以爲元侯相見一管象句宜絕武
夏籥序興大武之舞與夏籥之舞迭作也蓋升歌
而後管管而後舞其一如此注以下管爲句而於
象武每合言之似非是

禮記叔孫豹如晉晉侯享之全奏肆夏之三不拜工
歌文王之三又不拜歌鹿鳴之三三拜韓獻子使行
人子員問之曰子以君命辱於敝邑先君一恒藉之
以樂以辱吾子吾子舍一大而重拜其一何禮

也對曰三夏天子所以享元侯也使臣弗敢與聞文
王兩君相見之樂也臣不敢及鹿鳴君所以嘉寡君
也敢不拜嘉四牡君所以勞使臣也敢不重拜皇皇
者華君教使臣曰必諮于取不重拜

注云肆夏樂曲名周禮以鉦鼓奏九夏其二曰肆
夏一名樊三曰韶夏一名遏四曰納夏一名渠蓋
擊鐘而奏此三夏曲疏云天子享元侯歌肆夏則
於餘諸侯不得用當歌文王與兩君相見同也然
則兩元侯相見與天子享之禮同亦歌肆夏仲尼

燕居兩君相見升歌清廟謂元侯也不歌肆夏避
天子也諸侯來朝乃歌文王遣臣來聘必不得同
矣當歌鹿鳴也此傳言三夏天子所以享元侯則
文王兩君相見之樂亦謂享也然不言燕燕亦當
然晉侯享穆叔爲歌鹿鳴穆叔以已所當得三拜
而受燕禮工歌鹿鳴則是享燕同樂矣若然肆夏
之爲樂章樂之最尊者兩君相見尚不得用之而
燕禮者諸侯燕已羣臣之禮而記云若以樂納
則賓及庭奏肆夏鄭卿大夫有王事之勞者則

奏此樂所以得用之者彼爲納賓之樂郊特牲云
賓入大門而奏肆夏鄭云賓朝聘者是朝賓聘客
俱得用之與此升歌異也愚按疏解亦密然以肆
夏爲升歌則不可凡九夏皆金奏也其春秋傳義
理所以異者或燕禮只於入門時用之而享元侯
則獻酬之後升歌之前尚有此金奏之樂耳蓋享
元侯惟奏肆夏然升歌之樂不可廢也疏於禮記
升歌清廟謂元侯相見則然矣其云不用肆夏以
避天子非也

附樂論三篇

論分樂合樂

大司樂前云大合樂者肄習於學宮之事而統論其用樂功效之所至猶虞書所謂聲依永律和聲八音克諧神人以和者乃總言其理如此也下文分樂而序及圓北方正宗廟之樂乃正言其用樂之事周人特祀姜嫄故以妣先於祖以分樂享先祖推之則下宗廟當爲大禘大祫之祭也六樂分序固是以尊卑先後爲等然各有陰陽之分義類

之配焉。蓋樂器陰也。入聲陽也。陽律用以奏陽

於陰也。陰律用以歌陰合於陽也。祀以陽律爲

陽始於子而終於辰。故用子律及其合以祀天。用

辰律及其合以祀四望也。

陽主始故以子爲尊

祭以陰律爲

主。陰始於未而終於亥。故用亥律及其合以祭地

用未律及其合以祭山川也。

陰主終故以亥爲尊

享則合陰

陽而用之物始生於卯而終於戌。長養於自己至

申之間。故用長養之律以享。妣用終始之律以享

祖也。六樂不著宮商角徵羽之調。隨其詩之所宜

而用也考下大禘祫之樂則無射之律不用此享
先祖用之者既用大武之舞而牧野之舉以無射
布戎畢陳則武功之始不可去也時享舞大武用
無射大禘祫舞大韶去無射武盡美矣韶則盡善
周公之心孔子之志也方止之樂去太簇此祭地
猶用之亦此意也

論古

六代之舞不可詳惟武舞見於賓年賈之間者猶
可追想古人遺意武始於北出再成而滅商三成

而南四成而南國是疆五成而分周公左召公右
六成復綴以崇天子所謂周有六成之舞者此也
又曰總干山立武王之事也發揚蹈厲太公之志
也武亂皆坐周召之治也又曰夾振之而四伐盛
威於中國也分夾而進事蚤濟也久立於綴以待
諸侯之至也是皆以舞之往返進退坐立步伐言
之而當日之武功文德可以觀容而知此樂舞之
本意也又如大明之詩所謂上帝臨汝無貳爾心
者則與總干山立而相應維師尚父時惟鷹揚者

則與發揚蹈厲而相宣是故聽其歌觀其舞不啻
睹其事遊其世焉故虞氏之亡久矣至孔子在齊
聞韶三月忘味者此物此志也降及後代古法寢
微然高帝大風之詩起舞而歌之太宗破陣之樂
有舞以傳之則象成之意猶有存者近世舞乃有
譜則案五聲之音製爲五行之象其俯仰周旋左
右進退乃不象其事之實而逐其音之變然則所
謂盛德之形容者奚有哉故吾謂俗樂雖淫且鄙
而歌舞自相應和猶不似雅樂之無情無理也後

有作者采此意而折中之用以發祖宗之功德閔
臣下之勤勞道述孝友貞順之休聲移易里巷黎
庶之風俗所謂君子於是語於是道古者必有取
於茲焉

論十二律名

十二律之數以管而得十二律之名以鐘而定蓋
鑄鐘以寫律之聲而爲八音之綱紀故卽其器以
名律也然惟四律以鐘名者案周禮祀天則分祭
合祭皆長黃鐘祭地則分祭長應鐘

祭地主陰律也

合祭

長林鐘享廟則長夾鐘是四律者最尊故特列之
也黃者以中色喻中聲也林者萬物至未而茂盛
如林也夾者在中閒之謂時惟中春四仲之首也
應者窮上反下聲與氣無不終始相應也稱呂者
三呂者侶也助也大呂助陽生物者也仲呂助陽
長物者也南呂助陽成物者也鐘懸之列自北而
南三呂之中位獨在南故曰南呂也不稱鐘呂者
五太簇者簇奏也古人金奏所用蓋於時則雷出
地奮威德竝行於律則木行商聲仁義竝用故大

奏尚之也。姑洗者，萬物始生，孤穉而洗滌也。蕤賓者，正陽之時，萬物相見，如賓主酬酢，禮容蕤蕤也。夷則者，生物既盛，平之以法也。無射者，陽律之終，終則厭怠，故欲其無射也。然惟黃鐘爲宮，則陽氣在內，屬信居中，德之盛者，故太簇則餘陰尚固，陽氣奮擊而出，屬商，屬義。姑洗則生理畢達，屬角，屬仁。林鐘則萬物嘉美，屬徵，屬禮。南呂則萬物成就，分別，屬羽，屬智。應鐘，陽窮復生，與黃鐘同德，爲變宮。蕤賓，陰生致役於陽，與林鐘同德，爲變徵。莫不

各有其象類焉此黃鐘一律之尊也。



